



Broj: 04-14-1080-8/17
Sarajevo, 14.03.2017.godine

Na osnovu člana 64. Stav (1) tačka b) i člana 70. stav (1), (3) i (6) Zakona o javnim nabavkama („Sl. glasnik BiH“ broj:39/14), te Preporuke Komisije u postupku javne nabavke pod nazivom „Nabavka parkomata za naplatu korištenja parkinga i uređaja za kontrolu naplate korištenja parkinga u Kantonu Sarajevo“ br: 04-14-1080-6/17 od 07.03.2017.godine, Ministar saobraćaja Kantona Sarajevo d o n o s i:

O D L U K U **o izboru najpovoljnijeg ponuđača**

Član 1.

Prihvata se Preporuka Komisije za nabavku u postupku javne nabavke: „Nabavka parkomata za naplatu korištenja parkinga i uređaja za kontrolu naplate korištenja parkinga u Kantonu Sarajevo“, te ugovor dodjeljuje ponuđaču „**Lupon Ventures“ d.o.o. Sarajevo**, prema dostavljenoj ponudi br: 04-14-9785/17 od 03.03.2017. godine u ukupnoj vrijednosti od **1.227.587,40 KM sa PDV-om**.

Član 2.

Prijedlog Ugovora dostavit će se na potpis izabranom ponuđaču po isteku roka od 15 (petnaest) dana, računajući od dana kada su svi ponuđači obaviješteni o izboru najpovoljnije ponude. Izabrani ponuđač je dužan dostaviti dokaze o kvalificiranosti u roku od 5 (pet) dana, nakon što svi učesnici budu obaviješteni od strane Ugovornog organa o rezultatima postupka nabavke, a u skladu sa protekom žalbenog roka i u skladu sa tenderskom dokumentacijom.

U slučaju da izabrani ponuđač propusti da dostavi dokaze o kvalificiranosti u navedenom roku, ili dostavi neprihvatljive dokaze ova Odluka će se poništiti.

Član 3.

Ova Odluka objavit će se na web stranici ugovornog organa [www:http:ms.ks.gov.ba](http://ms.ks.gov.ba) istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 04-14-1080-1/17 od 16.01.2017. godine – „Nabavka parkomata za naplatu korištenja parkinga i uređaja za kontrolu naplate korištenja parkinga u Kantonu Sarajevo“. Javna nabavka je provedena putem postupka: Otvoreni postupak sa međunarodnom objavom. Procijenjena vrijednost javne nabavke bez PDV-a iznosi 1.100.000,00 KM. Za predmetnu nabavku objavljeno je obavještenje o nabavci na portalu javnih nabavki pod brojem 1242-1-1-2-3-2/17 dana 17.01.2017. godine u 13:55 h. Rok za dostavu



ponuda bio je 03.03.2017. godine do 09,30 h. Za navedenu nabavku u predviđenom roku i uredno zatvorenim kovertama, dostavljene su ponude od slijedećih ponuđača:

1.Lupon Ventures d.o.o. Sarajevo

2.Grupa ponuđača „MIBO Komunikacije“ d.o.o. Sarajevo i „Poslovni sistemi Tilia“ d.o.o.Zagreb


U skladu sa Odlukom o pokretanju postupka, Komisija za javnu nabavku, formirana Rješenjem o imenovanju broj: 04-14-1080-2/17 od 16.01.2017.godine provela je proceduru nabavke, obavila javno otvaranje ponuda, sačinila i dostavila Zapisnik o pregledu i ocjeni ponuda koje su blagovremeno, do utvrđenog dana i sata, dostavljene od strane ponuđača na adresu Ugovornog organa. Zapisnik o pregledu i ocjeni ponuda broj: 04-14-1080-5/17 od 07.03.2017. godine čini sastavni dio ove odluke i u istom je utvrđeno slijedeće:

- da je ukupan broj pristiglih ponuda dva (2)
- da su blagovremeno zaprimljene ukupno dvije (2) ponude
- da nema neblagovremeno zaprimljenih ponuda
- da je ponuđač Lupon Ventures d.o.o. Sarajevo, dostavio ponudu koja je u okviru procijenjene vrijednosti javne nabavke, te da ista ispunjava formalno-pravne uslove za učešće, kao i tehničke karakteristike i druge uslove propisane od strane ugovornog organa.
- da je Grupa ponuđača „MIBO Komunikacije“ d.o.o. Sarajevo i „Poslovni sistemi Tilia“ d.o.o.Zagreb, dostavila ponudu koja znatno premašuje procijenjenu vrijednost javne nabavke. Imajući u vidu navedeno, a cijeneći odredbe člana 68. Stav (4) tačka i) i j), kojima je propisano da se ponuda odbacuje u slučaju kada je nepotpuna i ne ispunjava zahtjeve iz tenderske dokumentacije, te u drugim opravdanim slučajevima, Komisija za javnu nabavku je istu odbacila.

Uzimajući u obzir da je komisija u cijelosti pravilno postupila i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskoj dokumentaciji, u cijelosti se prihvata Zapisnik o pregledu i ocjeni ponuda.

Rb	PONUĐAČ /naziv i sjedište/	Ponuđena cijena bez PDV-a	Ponuđena cijena sa PDV-om
1.	Lupon Ventures d.o.o. Sarajevo	1.049.220,00 KM	1.227.587,40 KM
2.	Grupa ponuđača MIBO Komunikacije d.o.o. Sarajevo i Poslovni sistemi Tilia d.o.o. Zagreb	1.719.925,00 KM	2.012.312,25 KM

U skladu sa kriterijumom za dodjelu ugovora “najniža cijena”, ugovor se dodjeljuje ponuđaču **Lupon Ventures d.o.o. Sarajevo u ukupnoj vrijednosti nabavke 1.227.587,40 KM (sa PDV-om)**. Za predmetnu nabavku će se zaključiti ugovor.



web: <http://ms.ks.gov.ba>
e-mail: ms@ms.ks.gov.ba
Tel: + 387 (0) 33 562-058, + 387 (0) 33 562-059
Sarajevo, Reisa Džemaludina Čauševića 1



Pouka o pravnom lijeku: Svaki ponuđač koji ima legitimni interes u predmetnom postupku javne nabavke, a koji smatra da je ugovorni organ u toku postupka prekršio jednu ili više odredbi Zakona o javnim nabavkama ima pravo priložiti žalbu u pisanoj formi u roku od **10 (deset) dana** od dana prijema ove odluke u skladu sa članom 99. i 101. Zakona o javnim nabavkama ("Službeni glasnik Bosne i Hercegovine", broj 39/14).

Žalba se podnosi Ugovornom organu (Ministarstvo saobraćaja Kantona Sarajevo) neposredno ili preporučeno putem pošte na adresu: Reisa Džemaludina Čauševića br. 1, kao prvostepenom organu u žalbenom postupku.

Ponuđač, u slučaju da ulaže pismenu žalbu, dužan je za pokretanje žalbenog postupka platiti naknadu u iznosu 7.500,00 KM, u skladu sa članom 108. stav 1. tačka f) Zakona o javnim nabavkama.

Naknada se uplaćuje u korist budžeta institucija BiH i međunarodnih obaveza BiH i ona je nepovratna u slučaju neosnovane žalbe.



Prilog:

1. - Zapisnik o pregledu i ocjeni ponuda broj: 04-14-1080-5/17 od 07.03.2017.godine sa svim priložima

Dostaviti:

1. Svim učesnicima u postupku
2. Ministarstvo saobraćaja Kantona Sarajevo
3. evidenciji
4. a/a



web: <http://ms.ks.gov.ba>
e-mail: ms@ms.ks.gov.ba
Tel: + 387 (0) 33 562-058, + 387 (0) 33 562-059
Sarajevo, Reisa Džemaludina Čauševića 1



